

Ҳамиджон ЎТАНОВ



БИР ОФИЗ ГАП

*(Хотиралар, қатралар,
хажвиялар, шеърлар)*

«Ҳаёт» нашриёти
Андижон – 2005.

84(59)6-4

10 31127
0 0 81

Журналист Ҳамиджон Ўтаповниң ушбу китобчасига унилг Рустам Раҳмон, Муҳаммад Юсуф каби халқимизнинг севимли фарзандлари ҳақидаги хотиралари, ибратли қатралари, ҳажвиялари, шеърларидан намуналар жамланди.

Умид қиласизки, булар муҳтарам ўқувчиларга манзур бўлади.


03-02-05

ХГ-ЎХ- _____ ША
02-02-05

Ўтанов Ҳамиджон. «Бир оғиз тап».

(Хотиралар, қатралар, ҳажвиялар, шеърлар).

© «Хаёт». А-2005



О Т А

Қишиң күнлариниң бирида Турсунбай отани излаб, Қоракўрғонга, унинг хонадонига бордим. Мени оппоқ соқоли кўксига тушиб турган бир нуроний кутиб олди.

-Келинг, ўғлим. Уйга кириш,- тақлиф қилди отахон.

Мен у кишига:

- Сиз тўғрингизда ёзмоқчиман, мухбирман,- дедим.

Отахон сўёларимни учалик уқмади. Овозимни қаттикрок чиқариб гапиришга тўғри келди. Билдимки, отахоннинг қулоқлари оғирроқ. «Энди бу кишидан қандай «гап оламан», -деб ташвишланиб турган эдим, бу ерга кора сатин тўён кийган, басавлат киши кириб келди. Уни танидим. У Турсунбай отанинг катта ўғли Иброҳимжон ака эди. Биз биргалашиб отахон яшайдиган хонага кирдик.

Хона саранжом-саришта, иссиқ экан. Унинг ўртасига ҳам сандал, ҳам иситкич ўрнатилган экан. Сандал устига дастурхон ёзилиб чой-нон, ширинликлар қўйилди. Сухбатимиз ўз – ўзидан қовушиб кетди. Иброҳимжон ака отасига меҳр билан тикиларкан, гапни узоқдан бошлади.

- Отам 1907 йили шу ҳовлида туғилган экан, раҳматли онамиз – 1986 йилда дунёдан ўтган. Улар 11 фарзанд кўришган, аммо шулардан 6 тасини этасига топширган. Бешта қолганмиз. Айниқса, биз фарзандларини ўқиб, олий маълумот олишимизда, ҳаётда ўз ўрнимизни топишимиизда онамизнинг ҳиссаси катта бўлган. Атиги 4-синфни битирган бўлса ҳам, онамизнинг зеҳнлари ўткир эди. Ҳар қандай мисол-масалалар шартини ўқиб берсангиз, дарҳол оғзаки ечиб бериш қобилиятига эга эди. Ота-онамиз бизнинг дарс тайёрлашимизга барча шарт-шароитларни яратиб беришарди. Чунки уларнинг ўзлари ўқимаганликлари учун бизларнинг илмли бўлишимизни исташарди. Шукрлар бўлсинки, биз ота-онамизнинг ишончини оқладик.

Оиламиизда катта акам Тўхтасиннинг ўрни алоҳида ажralиб турарди. У ўзининг билим ва ақли, халоллиги, ишчанлиги, меҳнатсеварлиги, одамохунлиги билан тез орада катта-кичик ўртасида ҳурмат-эътиборга сазовор бўлганди. Оддий

ўқитувчиликдан туман раҳбари вазифасигача кўтарилганди. Биз акамиздан фаҳрланардик.

Инсон ҳаётида ҳар доим қувончли кунлар бўлавермаслигини билдим. Минг афсуски, акамнинг умри қисқа экан. 1957 йили автомобиль халокатига учраб, фожиали халок бўлган. Акамнинг ўлими ота-онамиз қалбига фарзанд додини солиб кетди.

Иброҳимжон ака узоқ бир тин олди-да, деди:

- Келганингиз яхши бўлди. Акамни эсладик. Руҳи шод бўлсин. Энди қолган фарзандлар ҳақида ҳам тўхталиб ўтсан. Биласиз, мен мактабда ўқитувчилик қиласман. Укам Муҳаммаджон шаҳар ҳокими. Собиржон муҳандис. Абдуҳолиқ туман ҳокимлигида масъул вазифада. Ҳар қандай шароитда отамиздан бир хабар олмасак, кўнглимиз ўрнига тушмайди. Ота рози, Худо рози деб бекорга айтмаган доно халқимиз.

Иброҳимжон аканинг айтишича, Турсунбой отанинг 20 нафар невара, 5 нафар чевараси бор экан. Отахон 86 ёшга кирибди.

Турсунбой ота меҳнат фаолиятини «Қизил Ўзбекистон» жамоа хўжалигига бошлиб, 43 йил фидокорона меҳнат қилди. Ўзининг ҳалол меҳнати билан бола-чақа боқди. 1942 йили ҳамма қатори немис-фашист газандаларига қарши курашиб учун отланди. Ленинград қамалида бўлди. Жангларда қаҳрамонлик намуналарини кўрсатди. Урушда бир кўзидан ажралди. 1945 йилнинг ноябрь ойида жонажон қишлоғига қайтиб келди. 10 дан ортиқ орден ва медаллар билан тақдирланган.

Мақоламиз қаҳрамони Турсунбой ота Юнусалиев І-гуруҳ ногирони бўлишига қарамай, хўжаликда звено бошлифи, бригадир вазифаларида баҳоли-кудрат меҳнат қилди. Эрта баҳордан то кеч кузгача дала юмушлари билан шуғулланди. Пахтадан мўл ҳосил етиштириб илгорлар сафидан ўрин олди. Отанинг меҳнатлари ҳукуматимиз томонидан муносиб тақдирланди. Халқ хўжалиги ютуқлари кўргазмасида қатнашди.

- 1950 йиллар бўлса керак,- деб эслайди Иброҳимжон ака сұҳбатни давом эттириб. - Ўшанда 6-синфда ўқир эдим. 5 кути ипак қурти боқар эдик. Отам саҳар туриб, 45 боғ барг кесиб, уйга олиб келиб, яна далада, гўзаларга сув қўярди. Бу ҳол кечқурун яна давом этарди. Отам ҳеч қачон ишлаб чарчамас, ҳаётдан зорланмас эди. Пилладан ҳам мўл ҳосил олар эдик. Ҳақиқатан ҳам, отам ҳақиқий меҳнаткаш инсон бўлган. Бу билан мен

падарибузикворимнинг меҳнаткашилигини, ҳалоллигини таъкидла-
моқчиман, холос.

Турсунбой ота одамларниг меҳр-оқибатидан қувват оларди...

РУСТАМ РАҲМОНОВ

1979 йил. Ўша вақтларда «Андижанистрой»га қарашли Марҳамат механизациялашган кўчма сафи ишчиси эдим. «Оқ олтин» газетасида ёзган мақолаларим, кичик ҳикоя, ҳажвияларим тез-тез чиқиб турарди. Бундан ташқари, республикада газета-журналларида ҳам материалларим бот-бот эълон қилинарди. Уларни ишчи ҳамкасларим қизиқиб ўқишар, мени табриклишарди. Мен бундан катта завқ-шавқ, илҳом олиб мухбирликка қизиқишим тобора ортарди. Мен билан ўқчилик Авазбек Чўтанов деган йигит ҳам бирга ишларди. Ёзганларимни биринчи бўлиб бу йигит ўқир: «Зўр нарса ёзисиз»деб мактаб қўярди.

Бир куни Авазбек: «Мени бутун Ўзбекистон танийдиган тоғам бор» деб қолди. Менинг қизиқишим ортиб: «У киши ким, мени тоғангиз билан танишириб қўйинг», - деб илтимос қилдим: «Тоғам ёзувчи ва журналист Рустам Раҳмонов бўлади»-деди у.

1979 йилнинг куз ойларида Авазбек билан Рустам Раҳмонов ҳонадонига бордик. Ёзувчи Ширмонбулоқ қишлоғида яшар экан. Баҳтимизга шу (якшанба) куни Рустам aka уйда бўлиб, ҳонадон юмушлари билан машғул экан. Авазбекнинг тоғаси бизни илиқ кутиб олди. Ёзувчи қанақа бўларкин деб уни бошидан оёғигача билдирамай кузатдим. Устоз ўрта бўйли, тўлагина, бошидаги дўпписи ўзига ярашган, кўз ойнаги ҳам юз тузилишига мос, ҳазилкани, самимий инсон экан. Бу сатрларни ёзаётганимда устоз сиймоси кўз олдимга шундайлигича келди. Шу-шу Рустам Раҳмонов билан танишиб, тез-тез уйига, ишхонасига тортинимай борадиган бўлиб қолдим. Ёзганларимни кўриб, таҳрир қилиб берар эди.

Бир куни: «Ҳамма ёзганларингизни олиб келинг»-деди. Мен ҳикоя, ҳажвия, катра ва ҳаидаларимни тўплаб домлага (устозни домла дер эдим) олиб бордим, яхшилаб таҳрир қилиб берди, хат ёзиб: «Шуни Тошкентга бориб, шоир Сайёрни топиб ўзига беринг», - деди.

Мен Рустам аканинг ҳимматидан қувона-қувона Тошкентга бордим.

Сайёр ака ўша вактларда Ўзбекистон ёзувчилар уюшмасида адабий маслаҳатчи бўлиб ишлар экан. Уни топиб ҳол-аҳвол сўрашгач, тортинибгина хатни бердим. Сайёр ака қизиқиш билан хатни ўқиди, юзидан хурсандлиги билиниб турарди.

-Рустам аканинг шогирдимисиз? - деди Сайёр ака майин жилмайиб . - Рустам акани менга жуда кўп фойдаси теккан. Яхши инсон, - деб устознинг сиҳат-саломатлигини, уй иchlарини сўради. Ёзганларимни Сайёр акага топширдим. Орадан бир ойлар чамаси ўтгандан кейин шоир Сайёрдан хат келди. Хатда шундай сўзлар ёзилган эди:

«Хурматли Ҳамидjon Ўтанов!

Менга ташлаб кетган машқларингизни ўқиб чиқдим, анча қўлингиз келиб қолибди. «Ёшлиқ» алманахига, «Муштум», «Қишлоқ ҳақиқати» (ҳозирги «Қишлоқ ҳаёти»), (ҳозирги) «Туркистон», «Таббасум»га тавсия қилдик. Кўп ва хўп ёзинг. Тўланбойга ёзганларингизни жўнатиб туринг.

Салом билан Сайёр».

Шундан кейин ўзимда ҳам бу соҳага қизиқиш юз чандон ортди.

1980 йили сиртдан Тошкент Давлат университетининг журналистика факультетига ўқинига кириш учун хужжат топширдим. Имтиҳонлардан муваффақиятли ўтиб, талаба бўлдим. Албатта, бу ютуғимда ҳам Рустам Раҳмоновнинг ёрдами тегди.

Газетада ишлаш менинг армоним эди. 1981 йил 1 сентябрда менга омад кулиб бокди. Азалий орзуйим амалга ошди. Туман «Оқ олтин» газетасига ишга кирдим.

Албатта бунда ҳам устозларим - Рустам Раҳмонов, Қодиржон Тошболтаев, Тошиўлат Тешабоев, ШаҳобиддинFaффоровларнинг ҳизматлари катта бўлган.

Бир куни таҳририятимизга Рустам Раҳмонов келди. Ижодий ходимлар билан кўришиб, Қодиржон ака Тошболтаевга қаратади:

«Ҳамиджон бизнинг шогирд бола, караб юринг», - деб тайинлади.

Устоз Ҳозирги «Туркистон», «Ўзбекистон овози», Ўзбекистон радиосининг «Ёшлиқ» таҳририятида, «Гулистон» журналида

рахбарлик лавозимларида ишлаб, ўз бурчини сидкидилдан бажарип, ажойиб шогирдлар етиширган.

Рустам Раҳмонов Жалақудук туманида ишлаганини ҳам эшигандим. Устоз тўғри сўзлиги учун, тўғрироғи, битта гапи учун ишдан олинин, газеталарда унга қарши танқидий мақолалар ёзилган экан. Рустам ака туманда ишлаб юрганда, кинолавҳа ёзган. Бир раҳбар рус ўртқо бу ишга шерик бўлиш ниятида ўзининг исми, шарифини қўшмоқчи бўлган. Рустам ака бунга кўнмаган. Бир йиғилишда сўзга чиқиб:

- Қачонгача отга учашиб юрамиз? - деган экан. У даврда ҳеч ким бунаقا иборани айтольмасди. Шу битта гапи учун Рустам Раҳмоновга нисбатан тайзиклар, адолатсизликлар бошланган. Рўйхатлардан тушиб қолган. Лекин бу ноҳақликлар, камситишлар олдида устоз тушкунликка тушмади. Қайтанга, сабр-бардош билан қатъий туриб журналистик фаолиятини бадиий ижод билан қўшиб олиб борди. Радио мухбирликда йигирма икки йил ишлади.

Рустам ака ўндан ортиқ китоб ёзган. Деярли ҳамма китобларини ўқиганмал. «Кишлоғимиз болалари», «Уч оғайнин пахлавон», «Тиниб - тинчимас», «Баҳт билан учрашув», «Севги ҳаримас», «Меҳр кўзда», «Келин», «Чангизордаги шарпа», «Кутлуг қадам» каби ҳикоялар тўплами, қиссалари, романи ўқувчилар қалбини забт этган.

Устознинг меҳнатлари мустақиллигимиздан кейин тақдирланди. У «Ҳурмат белгиси», «Халқлар дўстлиги», «Ўзбекистон мустақиллиги» нишони билан мукофотланган.

На илож, ўлим ҳақ. Бир келмоқнинг бир кетмоғи бор экан, аммо устоз Рустам Раҳмонов ҳаётда ҳам, ижодда ҳам ўз изини қолдириб кетди.

МУҲАММАД ЮСУФНИ ЭСЛАБ...

Марҳамат тумани Қовунчи қишлоғига йўлим тушди. Бу ерда Қовунчи алоқа бўлими бошлиғи Абдукарим ака Абдураззоқов билан танишиб қолдим. Гал айланиб шоир Муҳаммад Юсуфга қадалди.

- Шоирнинг энг яқин қадрдони мен бўламан, -деди у. Менинг бу кишига қизиқишим сртиб, уни гапга солдим.

Абдукарим ака, мана, 33 йилдирки, бир жойда алоқа бўлими бошлиғи вазифасида ишлаб келаркан. Унинг айтишига қараганда

Қовунчи қишлоғида 1170 та хонадон бўлиб, 686 нафар пенсионер яшар экан. Абдукарим ака раҳбарлик қилаётган мазкур алоқа бўлими ходимлари хат-хабарларни, газета-журналларни, пенсия пулларини ўз вақтида эгаларига етказиб, бошқа алоқа бўлимлари ўртасида пешқадамлик қилмоқда. Уларнинг бу беминнат хизматидан қовунчиликлар хурсанд.

Ўзбекистон халқ шоири, Ўзбекистон Республикаси Олий Мажлиси собиқ депутати, Ўзбекистон ёзувчилар уюшмаси раисининг сабиқ ўринбосари, таниқли шоир, марҳум Муҳаммад Юсуф ҳақида Абдукарим ака ўз хотираларини, шундай сўзлар билан бошлади:

- Бизнинг Қовунчи қишлоғимиздан кўплаб улуғ инсонлар етишиб чиқкан. Жумладан, Ўзбекистон Қаҳрамони Отакон Аламатов; Солижон Мамарасулов, Эргашвой Курбонов, Обиджон Акбаровдек номдор шахслар, Дўстлик ордени нишондори Турғунбой Бозорвлар...

Мен Муҳаммаджон билан болалиқдан бирга ўсганиман. Анҳорларда чўмилиб, тупроқларга бағримизни бериб, ўзимизни офтобга тоблаганмиз. Онамиз дуррага тугиб берган нонимизни сувга чўмиб еганмиз. Далаларда мол боққанмиз, ўша дамлар ҳеч қачон ёдимдан чиқмайди. Мен бу хотираларимни сизга айтиб ёки матбуотда чиқариб, Муҳаммад Юсуфнинг обрўсига шерик бўлмоқчи эмасман. Ёки мақтаниш ниятим ҳам йўқ. Шоирнинг 50 йиллиги нишонланган кунлари жуда кўпчилик хотиралар ёзди. Лекин энг яқин қадрдони, дўсти, сирдоши - мен бўлсан, жим турдим. Фақат қалбим йиглади. Ундан яхши хотиралар қолди...

Адашмасам, 1986 йили Тошкентта икки ойга малака ошириш учун ўқишига бордим. Ўша пайтларда Муҳаммаджон «Тошкент оқшоми» газетасида ишларди. Энди шеърлари газета-журналларда эълон қилиниб, халқимизга танила бораётган эди. Мен дарҳол Муҳаммаджонни топиб, у билан бирга бўлдим. У мени Тошкентни кўзга кўринарли гўзал жойларига олиб борди. Ётоқхонада ҳам, меҳмондорчиликда ҳам ҳеч бир- биримиздан ажралмадик. У менга ўзининг янги ёзган шеърларини ўқиб берар, мен эса билганимча ўзимнинг фикр-мулоҳазаларимни айтардим.

Бир куни шеър ўқиди. Мен бўлмайди, деб эътиroz билдиридим. У вақтларда бундай шеърлар матбуот юзини кўрмасди. Муҳаммаджон мени бир ерга меҳмондорчиликка олиб борди.

Тахминан 12-13 метр узунлиқдаги көңг залға стол қўйилиб, дастурхон тузалған, озиқ-овқат, нози-неъматлар мўл-кўл. Мен таниған, танимаган, шоир, ёзувчилар ўтиришибди. Ҳамма менга қарайди. Омадим бор эканми, у ёққа сурилиб, бу ёққа сурилиб, Абдулла Орипов ёнидан жой олдим. Бир томонимда Мұҳаммад Юсуф. Шоирлар шеър ўқишиди. Микрофон йўқ, қадаҳ сўзлар айтилмади. Бир-бировини мақташмади. Абдулла Орипов Мұҳаммад Юсуфга имо қилиб: «Тур, шеър ўқи», - деди. Мұҳаммаджон иккита шеър ўқиди. Шеър нафақат Абдулла Ориповга, балки шу ерда ўтирганларга ҳам маъкул бўлди. Ҳамма уни олқишилади. Абдулла ака: «Яна ўқи», - деди. Шоир менга «ёқмаган» шеърини ўқиди. Мен бу шеърни ўқима деган мақсадда унинг оёғини босдим. Лекин шоир парво қилмай, барибир шеърни ўқиди. Яримига келгандА Абдулла Орипов: «Тўхта, ўқима, кераги йўқ», - деди. Орадан бир ой ўтиб қишлоғимизга Мұҳаммад Юсуф келди. Сизга Абдулла Орипов салом айтди, деб унинг саломини етказди. Маълум бўлишича, Абдулла Орипов ва Мұҳаммад Юсуф ўртасида менга ёқмаган шеър муҳокама қилинган. Менинг бу шеър ҳақиқидаги эътироазларимни у Абдулла Ориповга айтган. Бундан таъсирланган шоир оддий алоқа ходими билган нарсага нега сенинг ақлинг етмади деб уни койиган. Мен бу билан ўзимни кўрсатмоқчи эмасман. Шеър ниҳоятда гўзал, ўқимишли эди. Бироқ бу шеърғояси ўша вақтдаги сиёсатга сифасди.

Мұҳаммад Юсуф шону шухратга интилмасди. Шону шухрат, обрў-эътибор унинг орқасидан куварди. Баъзан бундай даҳмазалардан тўйған шоир танҳоликни истарди.

Ха, шоир мансаблардан, дабдабозликлардан ниҳоятда чарчаган пайтларда мени излаб топарди. Менинг эски пачоқ машинамда Улуғ тоф томон кетардик. Роза мириқиб тоф ҳавосидан тўйиб нафас олардик.

Яхшиларни эслаш бир савоб бўлса, ўтганларнинг яхши фазилатларини эслаш ҳам бир савобдир. Пайғамбаримиз: «Ўтганларнинг яхши сифатларини эслаб юринглар» деб марҳамат қилган эканлар. Мен Мұҳаммаджоннинг яна бир мардлигини, очикқўллигини эсга олмоқчиман. Шаҳарнинг гавжум кўчаларининг бирида зах ерда бир аёл тиланиб ўтирган эди. Мұҳаммаджон қўлини чўнтағига тикиб, бир сиқим пулни аёлнинг

кир дурраси устига кўйди. Ҳайратда қолган аёл нима қилишини билмай, ийғлаб туриб дуо қилган.

Мұхаммад Юсуф шундай инсон эдики, ҳатто устидаги кийимиши ҳам бирорга кийдириб юборарди. Үндан катта бойлик ҳам қолмади. Лекин кўли очик, саҳий инсон эди. Мұхаммад Юсуф: «Сиз ҳақингизда китоб ёзаман», дерди. Мен таажжубланиб: «Мен оддий алоқа ходими бўлсан, мени нимамни ёзасан?», - дердим. Йўқ, кейин билсан, у мен ҳақимда китоблар, шеърлар ёзган экан, худди мен тўғримда ёзилгандек. Мұхаммад Юсуф шоир бўлиб, ўзига ҳайкал яратди. Бироқ у мен учун ҳали ҳам тасаввуримда ўша ёшлигимизда буғдой нонни сувга чўмиб еган боладай қолган...

FЎЗА «ЖИНИ»

Туман ҳокимлигининг масъул ходими Холматжон aka Кувватовга фўза экини парвариши бўйича маълумотнома ёзиш топширилди. Фактлар тайёр. Холматжон aka маълумотнома яхшироқ чиқсин деган ниятда ўша вақтда туман табиатни муҳофаза қилиш қўмитаси раиси Голибжон Боймирзаев хонасига бош суқиб, маълумотнома ёзиг беришни илтимос қилади. Унинг мутахассислиги агроном эмасми, шунинг учун ҳам Холматжон аканинг илтимосига йўқ дея олмади.

Маълумотнома тайёр бўлади. Холматжон aka уни ҳоким ёрдамчиси Мирзакарим Раҳимов кўлига топширади. Ёрдамчи эса маълумотномани ҳоким столига кўйиб чиқади. Ўша вақтда раҳбар бўлиб ишлаган раҳматли Абдуманиб aka Расулов маълумотномани кўздан кечира туриб, бир сўзга эътиборини каратади. Маълумотномада фўза «жини» деган сўз бор эди. Бундан ҳайрон бўлган раҳбар ўз ёрдамчисини чақириради.

- Мана бу маълумотномани ким ёзган?
- Кувватов.
- Чакиринг.

Зум ўтмай Кувватов унинг хонасида пайдо бўлади.

- Буни сиз тайёрладингизми? - маълумотномани кўрсатади Абдуманиб aka.

- Xa.
- Fўза «жини» нима дегани?

Холматжон ака аввал ҳайрон бўлади. Кейин буни агроном Фолибжон ёзган-ку, у билиб ёзади, деган хаёлда:

- Янги термин, - дейди.

- Ўзингиз ёзганимисиз? - қайта сўради Расулов.

- Йўқ, Фолибжон ёзган, ахир у агроном, қишлоқ хўжалиги соҳасини яхши билади.

- Чакиринг Фолибжонни.

Зум ўтмай Фолибжон ҳам раҳбар хонасига кириб келди.

- Буни сиз ёзганимисиз? - маълумотномани кўрсатди Абдуманноб ака.

Хеч нарсага тушунмаган Фолибжон қўрқа-писа:

- Ха, - деди.

- Фўза жини нима дегани?

Фолибжон ҳам хайрон бўлиб жавоб беришга ожизлик қиласди.

Шунда Абдуманноб ака:

- Қўлёзмани олиб киринг, - буюрди. Келтирилган қўлёзмани ўқиб кўрдилар. Ҳакиқатан ҳам унда фўза «жини» деб аниқ-равшан ёзилган эди. Охири ҳатосини тушунган Фолибжон:

- Фўза «жини» эмас, «фўза экини» деб ёзиш ва ўқиш керак эди, - дейди. «Э» билан «к» бирга қўшилиб «ж» ҳарфига ўхшаб, ўқилганда «жини» сўзи келиб чиқсан.

Раҳматли Абдуманноб ака очиқ кўнгил, самимий инсон бўлганлиги учун ҳам қулиб-қулиб, уларни чиқариб юборади.

НОВЕЛЛАЛАР

БИР ОФИЗ ГАП

Карим билан Салим - ён қўшни. Бир куни улар бирга ўйнашаётган эди, Каримни онаси чақириб қолди.

- Ҳой Каримжон! Менга озгина ёрдам берсанг-чи. Ўриклар писиб тўкиляпти. Қоқи килиш керак. Салимга қўшилма. Уни тергаб йўлга соладигани йўқ. (Салимнинг отаси бундан бир-икки йил бурун вафот этган эди). Унга ўйин бўлса бас. Онаси Каримни уйга бошлиб кириб кетди. Шу пайтда Каромат опа қўчага чиқиб қолди. «Тергайдиган одами йўқ» дегани онага тарсакидай тегди. Бу хотинни боплаб сўқмоқчи ҳам бўлди, аммо ўзини босди. Унгача Салим онасининг ёнига келди. Унинг мурғак қалбида қандайдир ғашлик пайдо бўлган эди. Отасиз болалар билан бирга

ўйнаш мумкин эмас экан-да. Нега? Бу саволларга жавоб тополмас эди у.

Каромат опанинг кўзи ёшланди. Салим онасига жондиради.

- Кўй, ҳафа бўлма, отанг бўлмаса, акаларинг бор-ку, - деб юпатди ўғлини.

Она ўғлининг бошини силади. Кўлидан ушлаб уйга бошлиди.

Кечқурун Салим ўқишиб «отам» лаб бўзлади. Қани энди она ўғлини юпата олса?! У ҳам ўғлига қўшилиб йиглади...

КЎНГИЛ ШИШАСИ

Каромат Кимсанбойнинг нимасини ёқтириб қолди. Кўнгли очиқлигиними, қайсарлигиними ё полвонлигиними? (Кимсанбой икки кўлида икки пуд, тишида ҳам икки пуд тош кўтариб, тўйларда ўйнаб юрарди). Каромат уни зимдан кузатар, лекин дилидагини унга айтгани қизлик фурури йўл қўймас эди.

Каромат қурилиш техникиумини тамомлаб, ишга келганида, Кимсанбой билан танишди. Тўғрироғи, Кимсанбой унинг кўлида ишлайдиган қурувчиларнинг бири эди.

Каромат бу йигитта иш буюрганда, пухта ва сифатли қилиб бажарар, аммо эшитилар-эшитилмас ғудраниб қўярди: «Кунимиз қиз болага қолиби-да» деб.

Ишчиларнинг кўпчилиги бола-чақали, бўйдоқ йигитлар озчиликни ташкил этарди. Улар Кароматга гоҳ-гоҳ ҳазил қилиб туришар эди. Бу ҳазилларга у янги келганда, кўника олмай юрди. Кейинчалик ўрганиб ҳам қолди.

Кимсанбой эса қизнинг унга бўлган шинҳоний мойиллигидан бехабар. Ишчиларнинг кўпчилиги Кароматнинг Кимсанбойга муносабати бошқача эканлигини сезинпар ва бу ҳақда Кимсанбойга гапириб, унинг энсасини қотирардилар. Кимсанбой бу гапларга парво қилмас эди, аксинча ундан ўзини олиб қочар эди. Айшиқса, Кароматнинг эркаклар билан қўл бериб кўришгани Кимсанбойнинг ғашини келтирарди. У қизга кўнгил учун ҳам ўзича бир оғиз гапирмас, гапирганда ҳам, «салом», «яхшимисиз»дан нарига ўтмас эди.

Бир куни кекса ишчи Саид ака Кароматнинг улар олдига келаётганини кўриб, яқинлашганда, ҳазил аралаш деди:

- Кимсанбой, нега туриб кетялсан? Ахир Кароматхон сени деб келяпти!

- Э Сайд ака, қизиқсиз-а. Унга илакишиб, нима қилдим, бир кунда нечта эркак билан гаплашади, - деди.

Бу гап Кароматнинг қулоғига чалинди-ю, тапта тұхтаб қолди. Юрагига муз ботгандаі бўлди.

«Вой қора кўнгилей, ҳали сени ёқтириб юрганимидим? Эҳ аттанг!», деди-да, шарт бурилиб хонасига кириб кетди.

ҲАЖВИЯЛАР

«АМАКИМ»НИНГ ДАМИ

Курилишга ишга кириш учун бошлиқ Холчаев ҳузурига кириб, аризамни унга узатдим. Холчаевниниг икки бети товоқдай, калласи эса бозордаги нокка ўхшаб кетаркан.

Холчаев аризамни ўқиб кўрдию, бирдан бароқ қошларини чимириб:

- Қосимхўжайев кимингиз бўлади? - деб сўраб қолди. Табиатан сал ёлғончироқман. Баъзида ёлғон ҳам асқатади кишига. Танаккал қилиб:

- Ака- уканининг болаларимиз, - деб юбордим.

Холчаев мешига узоқ тикилди. Ранги ҳам сал оқаргандек бўлди назаримда. Кейин аризамга кўл қўяр экан, менга жилмайтандек бўлди.

- Хўп, сизни ишга қабул қилдик. Ёрдам керак бўлса, хеч тортинимай менга айтинг. Ўртоқ Қосимхўжаевга мендан салом айтиб қўйинг.

Тез орада Холчаев олдига 20 дона шифер сўраб, тўшакдай аризани қўтариб кирдим.

- Ассалому алайкум!

- Э, Қосимхўжаев! Келинг, укахон. Чарчамай ишлаб юрибсизми? Жиянчалар чопқиллаб ўйнаб юришибдими? Қосимхўжаев акахонимизнинг соғликлари жойидами? Келинг!

Амалдорнинг эрка ўғлидай мағрур туриб, аризани ўртоқ Холчаевга узатдим. Бошлиқ аризамга кўз югиртириди:

- Ука, ростини айтсан, шифер ўзи оз эди. Лекин сиздек укахонимиз бир марта илтимос қилиб келса-ю, биз йўқ десак, номардчилик бўлади. Йигитнинг сазаси ўлгунча, шайтоннинг бўйни узилсин,- деди ва аризамга жимжимадор қилиб, имзо қўйди.

- Укахон, Паттаев деган складчигимиз бор. Ўша кишига учрасангиз, айтган ўша 20 дона шиферингизни оласиз. Ҳа айтмоқчи, Қосимхўжаев акахонимиэга мендан алоҳида салом айтиб қўясиз-да, хўпми?

Кейин билсам, «амаким» Қосимхўжаев қурилишга ишга кирмасимдан бир-икки кун олдин катта бир идорага раҳбар этиб тайинланган экан.

ЧЎНТАК

Ўртоқ Бозор Эргашевнинг ғалати одати бор. Кўнглига ўтиришиб қолдингизми, сизга бор сирини очиб ташлайди. Мана, яқинда ўша ғалати одати Бозор Эргашевни сал ҳира қилиб қўйди.

Янги ишчи Аҳмадилло унинг кўнглига ўтиришиб қолди. Шу болани кўрса, негадир бир энтикиб қўяр эди.

- Укам Аҳмадилло, чўнтакни биласанми?

- Биламан, «Чўнтак» да ош қилиб еганмиз.

- Билмас экансан. Шу саволга жавоб топ. Жавоб топсанг келиб айтарсан.

- Хўп.

Аҳмадиллонинг фикри - ёди ишда ҳам, уйда ҳам прораб Бозор Эргашевнинг «чўнтак» саволига жавоб топиш бўлди. Чўнтак нима?

Эртасига Аҳмадиллодан Бозор Эргашев яна сўради.

- Чўнтак нима?!

- Бозор Эргашевнинг бу антиқа имтиҳонидан Аҳмадиллонинг ғаши келиб:

- Чўнтак, бу - пул, -деди ўйламай -нетмай.

- Отангга раҳмат, ука. Ичимсан-да, ичим. Гап бундай: тез кунларда комиссия келади. Уларни меҳмон қилиш керак. Сенинг номинга алоҳида 500.000 сўмлик наряд ёндим. Шунга кўл қўясан, вассалом - иш тамом.

-Кўйинг, ака, бундай қинғир ишларни. Ахир мен 500.000 сўмга лойиқ иш қилганим йўқ-ку!

-Узумини е, бофини суриштирма. Кўл қўй.

-Кўймайман.

-Кўймайсанми?!

-Йўқ.

- Бўлмаса, ишдан ҳайдайман. Шу бугунок аризангни ёз. Келиб-келиб сенга сиримни айтдимми? Тоза нон емас экансан-ку?

Эртасига Аҳмадилло ишдан кетиш учун ариза кўтариб келди. Ўртоқ Бозор Эргашев Аҳмадиллога бир ит қараш қилди, ундан қоғозни олди.

«Ушбу аризани ёзишимдан мақсадим шуки, бу ерда давлат мулкини талон – тарож қилаётгандарнинг кўплиги, порахўрликнинг авж олаётгандилиги, ошна-оғайнигарчиликка йўл қўйилаётгандилиги учун ҳам ишлай олмадим. Шунинг учун ишдан кетмоқчиман».

Ўртоқ Бозор Эргашев аризани кўздан кечирад экан, бирдан аччик дори ичган одамдай афти бужмайиб кетди.

- Хо Аҳмадилло, аризани ҳам шунаقا ёзадими. Бунақада чўнтакни йиртасан-ку!

Ўртоқ Бозор Эргашев Аҳмадиллонинг орқасидан югурди.

- Хо, Аҳмадилло...

ҚАТРАЛАР

ҲАММАМИЗ ҚАРИНДОШМИЗ

Индан эндиғина келиб чой ичиб ўтирган дадасидан Жасур сўради:

- Дада, мени ким туқкан?
- Сени ойинг туқкан, ўғлим.
- Сизни-чи? – сўради Жасур.
- Мени бувинг туқсанлар
- Ойимни-чи?
- Рўзи бувинг туқкан.

Бўлмаса, ҳаммамиз қариндош эканмиэда-а?

ТАЖАНГ

- Болтангизни бериб туриңг. Озгина қуруқ ўтин қилиб олай, - деб сўради Толиб аканинг қўшниси.

- Болтам йўқ, - жазоб берди Толиб ака.

- Гапга кириңг, - деди қўшниси чиқиб кетаркан. Толиб аканинг пешонаси тиришиб, тутоқиб кетди:

- Ҳа, мен гапга кирмайдиган одамман, кимга айтсанг, айтавер.
- Нималар деяпсиз? Бугун жўраларимга гап бермоқчиман, сиз ҳам шунга кириш, деяпман.

РАСМИ, ИТ ҲУРАДИ-ДА!

Йўлдан қоп кўтариб одам ўтиб қолди. Ит унга караб хурди. У шунда Итга Тош отмоқчи бўлиб ерга энгашди.

- Э, одам, йўлингдан қолма. Расми, Ит хуради-да! - деди Тош.

ТУЗЛАБ ҚЎЙДИ...

- Мен қўй ёғи, қўй гўштида бўлган энг тансик таомман, мақтанди палов.

Мен бўлмасам сени ҳеч ким емайди! - деди Туз ачитиб.

«ҲУРМАТ»

Кураш майдонида икки полвон куч сикашар эди. Биринчиси ҳаддан ташқари барваста, иккинчиси унинг акси бўлиб, жуссаси анча кичик эди.

Биринчиси йиқилди.

- Шу ёш боладан ҳам енгилдинг-а? - деди полвоннинг дўсти ачиниб.

- Э, нималар деяпсан? Ахир бу боланинг отаси бошлиғимиз Салим Каримович бўладилар-да! - жавоб берди полвон.

«ПУЛПУЛ»ЛАЯПТИ

- Қўшни, чироғимиз бир ўчиб, бир ёниб пилпилляяпти, бир кўриб қўйинг?

- Хўп бўлади. Қани, қўрайликчи. Ие, қўшни, чироғингиз пилпиллагани йўқ, пулпулляяпти, - деди Фулом монтёр.

«ҲАММАМИЗ ШУ ЕРГА КЕЛАМИЗ»

Помидор Саримсоқпиёзга мақтаниб:

- Мен лоладек қип-қизил бўлиб пишаман. Одамлар мени суйиб истеъмол қилишади. Сен эса сассиқсан. Одамларга унча

керагинг ҳам йўқ, - деди. Куз ҳам келди. Одамлар помидорни узуб Саримсоқпиеёз билан бирга идишга солиб, тузлаб қўйишиди.

Шунда Саримсоқпиеёз:

- Яхши эмас, биронларни камситиш, ҳаммамизни келадиган жойимиз шу ер, - деди.

ЧОРСИ ВА ИГНА

- Бағримни тилиб, тилка-порамни чиқариб юбординг-ку! - деб чорси Игнадан нолиди.

- Жон койитмасанг, жонона қайда, тоққа чиқмасанг, дўлона қайда, деган эканлар. Яна озгина чидасанг, одамлар сени зъзозлаб белига боғлаб юришади, - деди Ип.


КОНФЕТ БЕРМАС ЭКАН

Ўжарвой мактабдан келиши билан жанжал қила бошлади.

- Энди мактабга бормайман, боғчага қатнайвераман.
- Ҳа, нега энди? - сўради она күйини.
- Боғчада ҳар куни конфетлар берарди. Мактабда эса конфет бермас экан.

БАЙРАМ ҚАЕРДА

- Ада, пул беринг.
- Пулни нима қиласиз, ўғлим?
- Байрамга бораман.
- Байрам қаерда экан?
- Хўроз қанд сотаётган жойда.



ДУНЁ СЕНГА ТОРМИДИ?

Турмуши ўртогим хотирасига

Токқа ёқкан қормиди?
Раҳимахон бормиди?
Раҳимахон бор бўлса,
Бир умрга ёрмиди.

Балиқ тўрга илинди,
Юрак бағрим тилинди.
Раҳиманинг йўқлиги,
Энди ёмон билинди.

Молу дунё топилди,
Эгри девор чопилди.
Холисхоннинг тўйида,
Патир, сомса ёпилди.

Ўғил-қизим келади,
Неваралар кулади.
Раҳимани эсласам,
Юрак бағрим куяди.
Дунё сенга тормиди...

ТОЗАГУЛ

Қизимга

Табриклайман, қизим, бир ёшга тўлдинг,
Ойдеккина чиройли гўзал қиз бўлдинг.
Зилола чиройда сендан қолмайди,
Абдулла, Шерларга сингилжон бўлдинг.
Гул ҳам, зар ҳам сендан айлансин қизим,
Унгин, ўсгин, баҳтли – тахтли бўл қўзим.
Ватанга лойик бўл шудир орзуим.

ТҮРТЛИКЛАР

Дараҳт тупрокнинг нами билан яшар,
Саҳий бироннинг ғами билан яшар.
Бойликнинг кетидан қувган кимсалар
«Очкӯза», «еб тўймас» номи билан яшар.

Қишида ўрикни гулламаслигини биламиз,
Бахилнинг боғи кўкармаслигини биламиз.
Туҳматчи-ю ёлғончи, муттаҳамнинг қалбида,
Яхшиликнинг ҳеч ниш урмаслигини биламиз.

Яхшига кун йўқ, ёмон ўлмайди,
Очкӯзининг ҳалтаси сира тўлмайди.
Яхши ишингни кўролмайди у,
Оғзидан чиққани: «Йўқ, бўлмайди».

Ёмонлик қилдим, яхшилик қайтди.
Яхшилик қилдим, ёмонлик қайтди,
Яхши деганим ёмон чиқдику!
Воажаб бу ҳолдан бошларим қотди.

Баҳорда чигит экиб, кузда хирмон топасан,
Ҳалол меҳнатинг-ла, элда шон топасан.
«Оқ олтин» устидаги меҳнатингга минг раҳмат,
Тер тўкиб, ҳосилингдан олий нишон топасан.

Мен пахтаман - чаман-чаман,
Эрта тонгда юз очаман.
Теринг мени тоза-тоза,
Сизларга мен баҳт сочаман.

Мундарижа

Хотирадар . Ота	3
Рустам Раҳмонов	5
Муҳаммад ЮСУФни эслаб	7
Ғўза «жини»	10
Новеллалар . Бир оғиз гап	11
Кўнгил шишаси	12
Ҳажвиялар . «Амаким»нинг дами	13
Чўнтак	14
Қатралар	15
Шеърлар	18

Адабий-бадиий нашр.

Ҳамидjon Ўтанов. «Бир оғиз гап». (Хотирадар, қатралар,
ҳажвиялар, шеърлар)

Мухаррир:

Компьютерчи:

Мусаҳих:

Пўлат АБДУЛЛА

Рустамжон Исмоинов

Мадина Усмон

Босмахонага 2005 йил 2 февралда берилди.
Босишига 2005 йил 18 февралда руҳсат этилди.
Бичими 60x84 1 / 16. Ҳажми 1,25 6 / т.
Буюртма №373. .550 насхада.
Баҳоси келишилган нархда.

«Андижон нашриёт-матбаа» ОАЖ босмахонасида босилди